

Headlines

1. प्रधानमंत्री नरेंद्र मोदी होरें आखेआ ऐ जे मुख्य 21मीं सदी दी जरूरतें गी पूरा करने लेई शिक्षा सरिस्ते गी आधुनिक करा'रदा ऐ।
2. भारत नै संयुक्त राष्ट्र च आतंकवादी हमले दी निंदेआ कीती ते आखेआ जे पाकिस्तान वैश्विक आतंकवाद गी समर्थन देने दा कम्म करा'रदा ऐ।
3. मुख्मन्त्री उमर अब्दुल्ला होरें जम्मू च गर्मिं दी तैयारिं लेई उच्च सतह दी जायजा बैठक लाई।
4. जम्मू-कश्मीर च सैलानिं दी आमद परति ए शुरू, सैलानी भद्रवाह पुजे ते एहदे रां आतंकवाद खिलाफ सख्त स्नेहा दित्ता।
5. 30 अप्रैल तगर जम्मू-कश्मीर च मौसम खुशक रौहगा। पैहली मई थवां हल्की बरखा होई सकदी ऐ।

<><><><><><>

PM-YU GAM

प्रधानमंत्री नरेंद्र मोदी होरें आखेआ ऐ जे सरकार 21मीं सदी दी जेड़ी जरूरत ऐ उसी पूरा करने लेई देश दी शिक्षा प्रणाली गी आधुनिक बना'रदी ऐ। उनें आखेआ जे केंद्र देसै च हर विद्यार्थी दी पुज्ज तोड़ी विश्व स्तरीय ज्ञान लेई आवा करदा ऐ। श्री मोदी होरें एहू गल्ल अज्ज नमीं दिल्ली दे भारत मंडपम च YUGM सम्मेलन गी संबोधित करदे होई आक्खी। उनें इस गल्ला उप्पर लोऽ पाई जे देसै दा भविक्ख युवां उप्पर निर्भरद ऐ जेदे लेई युवां गी भारत दे उज्जवल भविक्ख लेई तैयार करना बड़ा जरूरी ऐ।

<><><><><><>

India-UN Attack

भारत नै संयुक्त राश्ट्र च हाल च होए दे पहलगाम आतंकवादी हमले गी सख्ती कन्नै उभारेआ ऐ ते पाकिस्तान दा लगातार आतंकवाद गी समर्थन करने गी उजागर कीता ऐ। संयुक्त राश्ट्र च भारत दे उप स्थाई प्रतिनिधि योजना पटेल होरें हाल च गै इक टी.वी इंटरव्यू दा जिक्र कीता ऐ जेदे च पाकिस्तान दे रक्षा मंत्री ख्वाजा आसिफ होरें खुल्लियै आतंकवादी संगठनें गी सिखलाई ते फंडिंग देना स्वीकार कीता हा। उनें आखेआ ऐ जे एहू सब आखना सबूत ऐ जे पाकिस्तान वैश्विक आतंकवाद गी मदद करने ते पूरे क्षेत्र गी अस्थिर करने दा कम्म करदा ऐ। पटेल होरें पाकिस्तान गी इस गल्लैउप्पर बी आलोचना कीती जे ओहू संयुक्त राश्ट्र दे मंच दा इस्तेमाल करियै गलत प्रचार फैलांदा ऐ। उनें पहलगाम हमले दे मगरा वैश्विक नेताएं दी इकजुटता लेई धन्नवाद कीता।

<><><><><><>

CM-Season Preparedness

मुख्यमंत्री उमर अब्दुल्ला होरें अज्ज जम्मू दे सिविल सचिवालय च इक उच्च स्तरीय बैठक दी अगुवाई करदे होई मुख्क मैहकमे च गर्मियें दी तैयारी दी समीक्षा कीती। सी.एम होरें बिजली, पानी ते सेहत सेवाएं सरबंधी प्रबंधें दा जायजा लैता ते मौसमी चुनौतियें कन्नै निब्बडने लेई जत्तें दी लोड उप्पर जोर दित्ता। उनें अधिकारियें गी निर्देश दित्ते जे ओहू गर्मियें दे म्हीनें दौरान सुचारू कम्मकाज गी यकीनी बनाने लेई सारे जरूरी उपा करन।

<><><><><><>

NEET-Udh.

नीट-यू.जी म्तेहान 2025 गी आजादाना ते निपाक्ख ढंगै सिर करोआने लेई उधमपुर दियां डिप्टी कमिशनर सलोनी राय होरें इक बैठक लाई। एहूदे च सरबन्धत अफसरें हिस्सा लैता। एहू म्तेहान 4 मई गी ऐ। जिले च कायम 2 केंद्रें च 600 मेदवार हिस्सा लैडन।

<><><><><><>

Parshuram-Jayanti

पूरे देसै आङर जिला साम्बा च बी भगवान विष्णु दे 6में अवतार भगवान परशुराम जी दा जन्मोत्सव बडे धूमधाम ते धार्मिक भक्तिभाव कन्नै मनाया गेआ। पहलगाम आतंकी हमले गी दिखदे होई इस बरे शोभा जात्तरा नेई कड्डी गेई। लोकें मंदरें ते धार्मिक स्थलें च किट्टे होइयै भजन-कीर्तन ते हवन-यज्ञ कीते।

<><><><><><>

Tourists-Bjaderwah

पहलगाम आतंकवादी हमले दे किश दिन मगरा गै लोकें आतंकवादिएं दे डर-त्राह गी नकारदे होई डोडा, भद्रवाह दी खूबसूरत सैलानी थाहरें पर जा'रदे न ते कुदरती नजारों दा नन्द लै'रदे न। लोकें दा इनें थाहरें पर औना आतंकवादिएं गी स्नेहा दिंदा ऐ जे लोक आतंकवाद कोला लेई डरदे ते अज्ज बी आतंकवाद खिलाफ किट्टे खड्गोते देन। अधिकारिएं दा गलाना ऐ जे सैलानी पूरी आजादी कन्नै फिरा रदे न। इनें थाहरें पर लोड्चदे सुरक्षा बंदोबस्त कीते गेन। उत्थे आए दे इक सैलानी नै हमले दी निंदा कीती ते आखेआ जे एहदे कन्नै सैलसफा गी नुकसान नेई होग।

<><><><><><>

Tourists-Spots Shut

जम्मू-कश्मीर सरकारै कश्मीर घाटी च सैलानिएं लेई 48 थाहरें गी बंद करी दित्ता ऐ। आकाशवाणी जम्मू संवाददाता दी रिपोर्ट मूजब एहू कार्रवाई पहलगाम च होए दे आतंकवादी हमले दी पछौक्कड च होई ऐ। इस हमले च 25 सैलानी ते इक मुकामी व्यक्ति मारेआ गेआ हा। घाटी दी कुल 48 थाहरें, जेदे यूसमर्ग, दुध पत्थरी, बंगस घाटी ते बेरीनाग गार्डन बी शामिल ऐ, गी बंद कीता गेआ ऐ। बाकी सैलानी थाहरें पर बाद्दू सुरक्षाबल तैनात कीते गए न तां जे खित्ते च सैलानिएं दी सुरक्षा यकीनी बनाई जाई सकै।

<><><><><><>

Pak-National

भारत सरकार दे उस फैसले जे पाकिस्तानी नागरिकें गी उन्दे मुल्ख वापस भेजेआ जाग, मगरा मेंढर च रवा'रदे 11 पाकिस्तानी नागरिकें गी अज्ज वापस भेजेआ गेआ ऐ।

एहदे अलावा पाकिस्तानी नागरिकें गी दित्ता गेदा मेडिकल वीजा बी अज्जै तगर गै वैध हा।

<><><><><><>

Weather

मौसम विभाग नै जम्मू-कश्मीर च औंदे किश दिनें तगर मौसम खुशक बने दा रौहने ते मदानी इलाकें च केई थाहें लूहू चलने दी शेंका जताई ऐ। पैहली मई तगर मौसम भलेया खुशक ते 1 ते 5 मई गी किश थाहें पर हल्की बरखा बरने दे आयार ना। विभाग नै लोकें गी आखेआ ऐ जे ओहू अपनी सेहत दा खास ध्यान रक्खन, पानी पीन, एहतियाती उपाऽ बी अपनाना।

<><><><><><>

Gyanpath-Design

स्वतंत्रता दिवस समारोह 2025 दे हिस्से दे तौरा पर रक्षा मंत्रालय नै MyGov. दे सहयोग कन्नै 1 थमां 15 मई तगर ज्ञानपथ दे डिजाइन लेई प्रतियोगिता दा आयोजन करा'रदा ऐ। एहदा मकसद युवाएं ते जनता च देशभक्ति दी भावना पैदा करना ऐ। प्रतिभागियें गी लाल किले च एनसीसी कैडेटें, एनएसस दे स्वयंसेवकें ते स्कूल दे बच्चें आसेआ बनाए जाने आहले फार्मेशनें गी डिजाइन करना होगा। पैहले त्रौनें विजेताएं गी 10 ज्हार मिलोग जिसले के पहले 250 प्रतिभागियें गी ई निमंत्रण पत्र थ्होग जे ओहू अपने इक साथी कन्नै इस समारोह दे साक्षी बनी सकन। डिजाइनें गी MyGov. दी दिशा-निर्देशें दा पालन करना होगा।

<><><><><><>

Handicrafts-Awards

कपडा मंत्रालय दे दस्तकारिएं सरबंधी विभाग दे विकास कमिशनर हुं'दे दफतरै बडी मती प्रतिशठा आहले राश्ट्री दस्तकारी अवार्ड 2024 लेई आवेदन मंगे ना। 30एं ब'रें तगर दी उम्मी दे कारीगर ते घट्टोघट्ट 10एं ब'रें दे तजुबे आहले एहदे शा मती उम्मी दे कारीगर बी इस राश्ट्री अवार्ड लेई आवेदन करी सकदे ना। इसै चालली 20एं ब'रें तगर दे तजुबे आहले ओकडे कारीगर जिं'दी उम्र 50एं ब'रें शा मती ऐ, ओहू शिल्प गुरु अवार्ड लेई आवेदन करी सकडन। मंत्रालय आसेआ कुल 25 पुरस्कार भेंट कीते जाडन जिं'दे चा 6 शिल्प गुरु अवार्ड ते 19 राश्ट्री अवार्ड होडन। आवेदन जमा करोआने दी खीरी तरीक 12 मई ऐ। इच्छुक कारीगर, एहदे लेई अखनूर रोड जम्मू च स्थित हैंडीक्राफ्ट सर्विस सेंटर कन्नै राबता करी सकदे न जां फही वैबसाईट www.handicrafts.gov.in पर जाइयै मती जानकारी लेई सकदे ना। योग्यता मानदंड, दिशा निर्देश ते होर दुए ब्यौरे इस वैबसाईट उप्पर उपलब्ध ना।

<><><><><><>